

REGLUR

um félagsheimilið Végarð.

1. gr.

Nafn félagsheimilisins er Végarður í Fljótsdalshreppi, Norður-Múlasýslu. Lóðin er á erfðafestu úr prestsetrinu Valþjófsstað.

Lóðarstærð: 6386 fermetrar, afgirt.

Eigendur félagsheimilisins eru Ungmennafélag Fljótsdæla, Fljótsdalshreppur og kvenfélagið Einingin í Fljótsdal.

2. gr.

Fimm manna húsnefnd, kjörin árlega, stjórnar félagsheimilinu. Tilnefni stjórn ungmennafélags Fljótsdæla þrjá menn, hreppsnefnd Fljótsdalshrepps einn mann og kvenfélagið Einingin í Fljótsdal einn mann.

Jafnmargir varamenn skulu kjörnir á sama hátt.

Húsnefnd skipti sjálf með sér verkum. Hún skal halda nákvæma gerðabók um störf sín. Ef félagsheimilið hættir störfum, skal afhenda Þjóðskjalasafni gerðabækur þess til vörzlu.

3. gr.

Húsnefnd heldur fund er þurfa þykir. Skylt er henni að halda fund, ef $\frac{1}{3}$ nefndarmanna æskja.

Aðalfundur eigenda félagsheimilis skal vera ár hvert. Skulu þangað kvaddir með hæfilegum fyrirvara stjórnendur allra þeirra félaga, sem eru eigendur félagsheimilis. Á fundinum skal húsnefndin leggja fram rekstrar- og efnahagsreikning félagsheimilisins fyrir síðastliðið ár, endurskoðaða af endurskoðendum sveitarsjóðsreikninga eða löggiltum endurskoðanda. Einnig leggur hún fyrir fundinn fjárhagsáætlun fyrir félagsheimilið á yfirstandandi ári.

Fjárhagsáætlunin skal gerð svo nákvæm sem unnt er. Eigi má efna til verulegra útgjalda, nema samþykkt hafi verið á aðalfundi eða aukafundi sömu aðila og sæti eiga á aðalfundi. Gildir þetta jafnt um rekstrargjöld og stofnkostnað.

Reikninga og fjárhagsáætlun skal bera undir atkvæði fundarmanna.

Húsnefndarmenn hafa hver um sig eitt atkvæði á aðalfundi og hver félagsstjórn þrjú atkvæði. Félagsstjórnir skýra frá því á aðalfundi, hvern þær hafa valið af sinni hálfu í húsnefnd næsta ár. Afrit af ársreikningum félagsheimilisins skal senda félagsheimilaskjóði. Félagsheimilið skal rekið sem sjálfstæð stofnun með sérstöku reikningshaldi. Almanaksárið skal vera reikningsár þess.

4. gr.

Aðalverkefni húsnefndar eru:

- að ráða húsvörð, þar sem þess er þörf að dómi aðalfundar, setja honum starfsreglur og sjá um að þeim sé fylgt;
- að ráða annað starfsfólk, ef aðalfundur telur nauðsynlegt. Leita skal umsagnar húsvarðar um ráðningu starfsfólks, sem á að vinna undir hans stjórn;
- að ráðstafa félagsheimilinu til afnota fyrir eigendur og aðra;
- að ákveða gjöld fyrir afnot hússins;
- að annast kaup nauðsynlegra tækja og áhalda;
- að sjá um viðhald og endurbætur húseignar, húsbúnaðar og áhalda;
- að sjá um, að ræsting félagsheimilisins (húss og lóðar) sé jafnan í góðu lagi og að gætt sé ýtrasta hreinlætis í umgengni;

- h. að sjá um, að húsið sé hæfilega hitað og lýst;
i. að sjá um, að löggæzla sé á samkomum, ef þess er þörf.

103

20. júní

5. gr.

Eigendur félagsheimilisins skulu eins og aðrir greiða leigu fyrir afnot hússins. Skytt er þeim að heimila félögum, er greinir í 1. gr. laga nr. 77 1947, um félagsheimili, innan sama byggðarlags afnot af húsinu gegn hæfilegu gjaldi, ef eigi fer í bága við eðlilega þörf eigenda sjálfra fyrir húsið. Verði ágreiningur um, hvort slíkt félag eigi rétt á af notum af félagsheimili, sker fræðslumálastjóri úr. Úrskurði hans má skjóta til menntamálaráðuneytisins.

6. gr.

Leiga fyrir afnot félagsheimilisins skal ákveðin svo há, að nægilegt fé fái til þess að inna af höndum nauðsynleg gjöld, ef stofnuninni koma eigi aðrar tekjur.

7. gr.

Þess skal gætt, að húseignir, áhöld, húsbúnaður allur og fatnaður sé jafnan hæfilega váttryggt.

8. gr.

Félag, er samkomu heldur í félagsheimilinu, skal hafa þar gæzlumann af sinni hálfu. Ef húsvörður er enginn, eða eigi við, þegar samkomu lýkur, skal gæzlumaður slökkva ljós, ganga örugglega frá hitunartækjum, opna loftræstingarop, koma húsbúnaði og áhöldum á sinn stað, koma óskilamunum í örugga vörzlu og loks loka vel gluggum og hurðum.

9. gr.

Að lokinni hverri notkun félagsheimilisins skal húsvörður eða húsnefnd sjá um ræstingu þess, þ. á m. að gólf séu þvegin úr sápuvatni, salerni hreinsuð vandlega með sótthreinsandi efni og fatageymslur, bað- og búningsherbergi ræst.

Árlega skal fram fara gagnger ræsting alls hússins.

10. gr.

Ganga skal þannig frá lóðinni umhverfis félagsheimilið, að auðvelt sé að halda henni snyrtilegri, og skal húsvörður eða húsnefnd sjá um, að hún sé jafnan vel hirt. Lóðina skal girða traustri, gripheldri girðingu, er haldið sé vel við.

Hestagirðing eða bifreiðastæði skal vera í námunda við félagsheimilið, ef því verður við komið.

11. gr.

Fánastöng skal koma fyrir á húsinu eða við það. Hún skal vera traustlega fest og máluð hvít. Húnn og snerill mega þó vera í öðrum lit. Fánasnúra skal ávallt vera heil. Stöngin skal vera í tveim hlutum, þannig að auðvelt sé að fella hana, t. d. ef skipta þarf um snúru eða mála stöngina.

Þess skal vandlega gætt að nota einungis fána með réttum litum og hlutföllum.

12. gr.

Árlega skal athuga húseignina alla vandlega, með viðgerð fyrir augum. Einkum skal athuga: múrhúðun, þak, þakrennur, niðurföll, hurðir og dyraumbúnað, glugga (utan og innan), málningu, gólfduka, klæðningu veggja, hreinlætistæki, eldavél og hitunartæki, raflagnir og ljósatæki, vatnslögn og krana, gluggatjöld, leiksviðstjöld, gólf í samkomusal o. s. frv.

103

20. júní

Skemmdir á húseign, áhöldum og húsbúnaði umfram eðlilegt slit skulu þeir bæta, er spjöllum valda.

13. gr.

14. gr.

Í félagsheimilinu má hvorki veita áfengi né neyta þess. Húsnefnd getur svipt þá, er gegn þessu brjóta, aðgangi að félagsheimilinu tiltekinn tíma.

Þó má í þessu efni veita undanþágu í veizlum, sé þess sérstaklega óskað, enda komi samþykki húsnefndar til.

15. gr.

Reglur þessar, sem settar eru með skírskotun til 8. gr. laga nr. 77 5. júní 1957, um félagsheimili, öðlast gildi þegar menntamálaráðueytið hefur staðfest þær.

Végarði, 5. ágúst 1959.

F. h. Ungmennafélags Fljótsdæla,
Bergljót Jørgensdóttir, formaður.

F. h. Fljótsdalshrepps,
Benedikt Friðriksson, oddviti.

F. h. Kvenfélagsins Einingin,
Lára Ó. Kjerúlf, form.

Framanskráðar reglur staðfestist hér með.

Menntamálaráðuneyti, 20. júní 1960.

F. h. r.

Ásgeir Pétursson.

Knútur Hallsson.

104

22. júní

S A M Þ Y K K T

um lokun sölubúða í Húsavík.

1. gr.

Sölubúðum í Húsavík skal lokað, eftir því sem ákveðið er í 2., 3. og 4. gr. samþykktar þessarar.

2. gr.

All virka daga ársins, skulu sölubúðir vera lokaðar frá kl. 18 til kl. 8.30, þó skulu vera frá þessu þær undantekningar er nú skal greina:

Aðfangadag jóla skal sölubúðum lokað eigi síðar en kl. 13. Gamlaársdag og laugardag fyrir páska kl. 16. Síðasta virkan dag fyrir aðfangadag jóla er heimilt að hafa sölubúðir opnar til kl. 24 og þriðja virkan dag fyrir aðfangadag til kl. 22. Frá 1. janúar til 30. apríl skal sölubúðum lokað eigi síðar en kl. 13 á laugardögum.

Á tímabilinu 1. maí til 20. september skal á laugardögum loka sölubúðum eiga síðar en kl. 12 og á föstudögum eigi síðar en kl. 19.

Frá 21. september til 31. desember skal sölubúðum lokað eigi síðar en kl. 16 á laugardögum.

3. gr.

Á helgidögum Þjóðkirkjunnar, sumardaginn fyrsta, 17. júní og fyrsta mánudag í ágúst mega engar sölubúðir vera opnar. 1. desember og 1. maí skal sölubúðum lokað kl. 12.